

اداره مرکزی :

آنقره ده ، استانبول جاده سنده آنقره
معارف امینلری یانده کی دائره

استانبول بورسی :

استانبولده ، آنقره جاده سنده ۸۷ نومروده
دائرہ مخصوصه

حیات

میانہ دامامیانہ ... دیباہ راها جورو حیات قاتالم ...

نسخہ سی ہربرده ۱۵ غروشر .

سنہ لکی پوستہ ایله ۷.۵ لیرا .
(اجنبی ملکتلر ایچین ۷.۵ دولار) .

ایونہ واعلان ایشلری ایچین استانبول بوروسه
مراجعت ایدیلیر .
یازی ایشلرنک مرجعی آنقره مرزیدر .

صافی : ۷۱

آنقره ، ۵ نیسان ، ۱۹۲۸

۳ نجی جلد

فدکت قارشینده

تاریخ قاریشان اوغورسز استیلا ، اونی
تورک وجدانک قلهسی یامشدی . یوره کلر ،
«ایزمیر ! ایزمیر !» دیه ووروور ، شراپلرک
قیزغین دولورنده اونک عشقی طاقیردیور
و چارپیشان یاناغانلرک قیویلجیملری ، اونک
حسرتیله یانوب سونویوردی .

اوج ییل سورده قارائلق برکیجه دن صوکر ،
طوپراقلرینه دنیانک اک بویوک داستانی یازان بو
سه وکیلی وطن پارچاسی ، زنجیرلری قوبارمش ،
یکی و بولوتسز برصباح ایله افقرلرینک آیدینلاندیغنی
کورمشدی . اتکلی آق دکزک کوپوکللی دالغالریله
دانتله نن ایزمیر ، اولادلری اولومه عاشق ایتش
و اولوم اونک اوغرنده جان ویره نلرک قهرمانلقلریله
بربدیه اولمشدی . اونک داغلری آردندن دوکان
ظفر واستقلال کونشی قارشینده بوتون دوشان
دنیاسی یوز اوستی قاپانیرکن ، ایزمیر تاریخده کی
اضطراب و فلاکت دورینک ده قاپاندیغنی صائمشدق .

کرچه ظفر مسئله لرینک ایشیغنده سیرایتدی کمز
بومملکت بر اقدیغمز یورد دیکلیدی . کوکسند یونان
قونداقلرینک یانغینلری هنوز توتویور و چاتیلری
اوستنده آله و داللی بربرینی قوجا قلا یوردی .
فقط مادام که آرتیق بزمی ، یانغینلر سونه جک
ویارالر قاپانا جقدی .

بو کوزمه ، لاکین طالعسر اولکه ، نه

یاریق که تام برشفا ایله قالقینادن یکی بر مصیته
اوغرادی . قورقونج برزلزله کونلردن بری ،
هر قاریش اطوپراغنده بر باشقا معجزه نک
دیله کلدیکی یرلری صارصیور . بو دفعه
دوشان طبیعتدر . قوتی اسرارلی درینلکردن
آلان ، داغلری چاتلاتان ، ویلیدیزلری قپ
قیزیل بر فیسقیه نک آتشدن قیرباجیله قامچیلایان
بو قدرت ، هنوز انسان ذکسنه رام اولمادی .
آیاقلریمز آلتنده صارصیلان یرده اونک هیئتندن
قورقوب تیزه یور . دوپولان اوغولتولر ،
اینیلتیلر اونک پنجه سنده ازیله ن جادانک سسی ،
طاشلرک ، طوپراقلرک فریادیدر . اوج بش
سیارمه نک محرکلری بولان ، و میلیونلرجه مجهوله
قارش بر قاج کشفیه قاپاران ، قابنه سیغامایان
انسان قوتی ایچین بو نه بویوک عبرتدر ! .
ذکاسنک فرمانتی ، بولدیغنی اوزاق ییلدیزلرله
سمالره یازدیغنه اینانان مغرور مدنیت ، تله سقو-
پلرنده کندی غرورینی سیر ایده رکن نه قادر
حاجز اولدیغنی بیلیم که ناصیل اونوتویور .
انسانله طبیعتی نه زمان دوشونسیم ، خیالم
پنجه سنده فیللری اینله تن اساطیرک دیولریله
دولار وانسانه بو قورقونج مخلوقلر یاننده نهایت
برقاریخه لقی بر قالیر .

اوغرنده تورک ملتک ، او قادر قان

دو کدیکی کوزل ایزمیر ، ایشته بویله قهر ایدیچی
بر مخلوقک آزعین اوفکسیله صارصیلور .
قوردون بوی ، هنوز یانغین ایشلرینک قاب
قارا دامغه سنی سیله مه دن داها باشقا خرابه لرله
دولدی . بیکرجه وطن داش ، کسکین روزکار
ایصلیق لریله اولویان سوقاقلره دوکوماشلر ، بویون
کوز بیکلرنده قورقونک و چاره سزلکک جته
آچیلان قارائلق پنجره لری وار . (طوبرالی) ،
طاشلری بر برینه چارپوب داغیلش بر مزارلغه
دوغمش . تلغراف تللرینک طاشیدینی قورقونج
خبرلر ، قلمزدن برر اوق کبی کچور .

شخصلرله حادثه لر آراسنه زمان و مسافه ،
برر میقرو سقوب عدسه سی کبی کیره رک وقعیه
مبالغه لی بر بویوکک ویریور . فاجعه نک ایچنده
اولانلر ، بلکه بزم قادر اضطراب و قورقو
چکمه یورلر . بر داملا تورک قانک اک بویوک
برقیمته مالک اولدینی بر زمانده یز . یارالی بوزلرجه
وطن داش حضورنده دویدیغمز آجینی یوره کلر
آلماسه یریدر . خیرک ، ایبلک و دوغرو لقلر
یوزنده الکچوق یاشادینی ، الک زیاده قیمت بولدیغنی
مملکت بزم یوردیمز ایکن بو فاجعه نیچین ؟ .
کتابلر اکر حقسه واکر آیتلر دوغروسولده
یورسه ، آلهک عدالتی ناصیل شیدر ، واوشی ،
نرهددر ؟ .. ظلمله کلاک یان یانه کله سنی ناصیل
قبول ایدم ؟ ..

تاریخ و مؤرخان

— ۸ —

لاتین مؤرخان : هزار ، سالوست

بویوک موضوعات بویوک محررلار یاراتدیغی اثبات اتمک لازم کلمه بدی ، درت مشهور لاتین مؤرخان اثرلری نظر دقته آلمق کفایت ایدردی : هزار ، سالوست ، تیت - لیو ، تاسیت .

(روما) نك وقایع نویسلری واردی ، حتی بونلر ایچنده ، یوکسك قیمتده آداملرده : فابیوس پیقطور ، (رومالیرك منشائی نه دائر بر اثر یازمش اولان) قاطون ، قالیپورنیوس پیزون . بونلرک اثرلری عمو اولدوغی ایچین ، بر حکم ویرمه بز ؛ فقط بالذات اسکیلرایله برابر ، بزده دوشونه بیلیرزکه ، (روما) شوکت و اقبالنه ایریشدیکی زمان ، بواثرلر « غیر کافی واسکی » (و هله تیوس پانه کولوس) کورونیوردی . فی الحقیقه بونلرک یازیلدقلری دورده ، هیئت عمومیه لری قاورامق ، ویر باقیشده روماعظمتنك نایم بنیانی احاطه اتمک ممکن دکلدی .

اثر آنجا بونون تناسبی اکتساب ایله دکدن سوکرادرکه ، اونی ناصل برنسبتده قبول اتمه یی تقدیر ابلک ممکن اولدی . روما فتوحاتی ، کاشانه استیلا اتمه زدن اول ، ایتالایه منحصر قالدیقه ، بلده نك داخلی و خارجی انکشافی ، داها دوغروسی ، بلدی ایدی . فقط کاشانك مقدراتی بلده نك مقدراتنه تابع اولدینی آندن اعتباراً ، روما تاریخی بر جهان تاریخدر . قارطاجه کوجولدی ، یونانستان آیلندی ، آفریقا منفاد ، بد ضبطده ، اسپانیا ، ایران ، جرمانیا ، بریتانیا حاکیت ویا کوز آلتنده ، ایشته اوزون و مسامیه متوقف تولداتی طاقسز قیلان نقطه . آنجا (روما) ، ظفرلرینك مرتبه قصواسنه ایریشوبده ظفرینك نقلی آلتنده اکیلیمه باشلادینی زمانده درکه ، مؤرخلر دنیایه کلدی .

هزار ، ایشه بوغولش اولدوغی حالده ، بینه هم غول فتوحاتنك ، هم ده داخلی حربك ناقلی در . فقط او ، مسامیه میاننده ، ازمه جدیده آوروپاسی تشکیل ایدمک اولان یکی قوملرله (روما) پیننده کی ایلک تماسلرک ناصل وقوعه کادیکی حقنده کی مؤثر حکایه بی اخلاف ایچین حفظ اتمک وظیفه سنی درعهده ایدتی ، و ، هرایکی حادثه ده یکدیگرینه مربوط اولدقلری ایچین ، رومانك نه کی احوال نتیجه سنده ، کندی یوزندن ، حربتی آلدن چیقاردیغی ایضاح ایلده دی . هرایکی اثری برجهبه ده یوروتک ، و او اثرلری کندی ادراک واجرا ایلده یکی ایچین ، اونلری معاصرلری ایله اخلاف مواجهه سنده ایضاح و تبجیل ایلده کده ، هزاره دوشردی . هزار ، نسبی غایت یوکسك بر آریستوقراط اولدوغی ایچین ، هیچ چکینمکمزین ، خلق پارتیسنه

انتساب ایدم بیلردی ؛ لایقیدانه مشوش کنجلیکی ، « کیوشك طوغا » سی ، اینجه کولتوری ، جرآنله فساداخلاق لطیف برطرفاتله امتزاج ایتدیره ن حیاتی ، بورجلری ، احتراصی ، هپسی اونی تحریک ایدییوردی ، ثروتی ، کاشانك قابلیت میوعی اوزرنده نموچ ایلایوردی . هزار ، طوراً داها فضله آلیکیادیس ، فقط داها کنیش بر صحنه اوزرنده اولارق ، هرشیئی آکلاپور ، هرشیئی کشف ایدییوردی . زمانی تام سچمشدی ، وسیلایله ماریوسک بر برینی متعاقب نقیلرندن سوکرا ، قاطونک مکدر مزاجیله اورمکده اولدوغی پیرانمش فورموللره تابع اولایه اصلا قایلیمایوردی ؛ سیاستی شونده خلاصه ایدیلشدی : (روما) ، یاشامق ایچین یکی فتوحانه محتاجدر ، عظمتیله برابر داها زیاده بویومه یی مجبور اولان جمهوریت اونی بربلده نك دار سورلری ایچنده بوغوبور . هزار کذ کاسی علوی ، قلی بویوک ، وجدانی کنیشدی . خلقی قاندریمق ، اونکله برابر کیفیه باقیق ، خلق شدتسز و صقیسز بول بول سه و یلمکدن خوشلاندینی جهته ، اونی سه و مک ایچین ایجاب ایدن شیلرک کافه سنه مالکدی .

هر بویوک آدمی فردی قیمت وجوده کتیرمه ز ؛ خطیب ، محرر ، دولت آدمی ، جنرال ، فیلسوف ، طرافتله مالی ، فکرله مالی ، جساتله مالی اولان هزار قادار هانکی انسان نصیبه دار اولمشدر ؟ کذا ، قهرمانی یاراتمق ایچین احوالک مساعد اولماسی ده کفایت اتمه ز ؛ داخلی اوزون حربلرک بزکینلکی ، قتل عام ایله سفاهت اراسنده منابوه ایله کچن عمومی حیاتدن نفرت ، هر زماندن زیاده احتیاج حاصل اولدوغی بر ساعته هر درلو ملی بهادرلقلرک قیمتسز لکی کی حاللر ، هانکی عزیمکار بر آدامه مساعد اولمشدر ؟ . . . قهرمان ، مقدارتک دعوتنه اجابت ایدن ، و یا عانی بیلدیکی اثبات ایچین یاییلاجق شیئی یاپان آدامدر . آنارشی ایچنده جیمله نه ن استقبالی یوکسه لتمه ، آنجا قملکلی و مونس رومالی ، یونانلیرک شاکردی ، دنیایی درلاشان ، کاشانك وطنداشی اولان هزاره مقتدردی ، ویا لکز اومقتدردی .

آکلاپوردی که ، بلده شیمدی بر ایمراطورلقدی ، و ایمراطورلق بلده دن داها زیاده لازمدی . هزار ایالت آدمی اولدی ، ایالتلره استناد ایدتی ، ایالتلری آلدی ، اونلر واسطه سیله (روما) یی فتح ایدتی ؛ ایشته بوسیدن ، فهره رونک تعبیری وجه ایله ، « آوروپا تاریخنك مشوم آدمی ، معظم بر اثر ایچین مقدراتی کندیسنه خادم قیلان غیر مشهور بر آلت » اولدی . فقط او ، سناتو حزبنك دوشوروجیسی ،

زادکان مالیه سنك چیچه رون کاری پیچجیسی ، قاطون کاری فضیللرک محقری ، بومه نك غالی ، قله او باطرانك عاشتی ده اولاجقدی . کذا ، اسکی (روما) نك دفنجیسی ویکي دنیانك سانی اولمق کی ایکی وظیفه سته توافق ایدمک وجه ایله ، غولی فتح ایدمک کی ، مستقبل آوروپایی او باندیرمق ایچین جرمانیا ایله بویوک بریتانیا ده آیاق باصاجنی کی . ایشته ، بوتاریخی یاپان آدام ، اونی یازدی ده . ذاتاً بوده اوکا مقدردی .

اکثریا ، ایش آداملری ایشلردن وقتسز بر زمانده اوزاقلاشدیر یلمازسلر ، ایسته دکلری ، نیتلند . کلری ، یایمق ایسته دکلری شیئی ایضاح ایچین قلمی آلرینه آلمایی دوشونه زلر ؛ وقتلری اولماز ؛ ادبیات ، ایشسزلرک و محزونلرک کاریدر . خاطرات حکایه اتمکده ، اختیار کومه زله لکی در . بر روح متین اولدقه ، کریسنه باقاز ، ایلرینه باقار .

هزارک (غول) حربنه دائر Commentaires ی برشیخوخت کتابنك بوسبتون عکسیدر ؛ اگر بویکا ادبیات دیمک ممکنه ، او بره محاربه ادبیاتی در ؛ اونک ایچین ، مردانه ، چوبک ، مسلح و عسکری شطارت کی یکانه ماهیتی حائز ، قیسه ، عجول ، سریع ، هدفه متوجه اولان جمله لر ، لهژیونلرک موزون آدیملری کی عجول در . هزار ، کتابی غوللیرله حرب داها پیسته دن ، افکار عمومییه مواجهه سنده دعواسنی مدافعه ایچین ، ۵۲ سنه لرینه دوغرو یازدی . آنا وطندن یکی مسامیه و ایجاب ایدن یاردیملری طلب اتمک ایچین بر مستملکه حربنه فاصله ویرمه جک ، آرشیینار ویا لیونته کی بر معاصر جنرال تصور ایدیکز . بویکا بک آز اینانلیر ؛ فقط شوراسی همان محققدرکه ، واقعه لرله ، معلومات ایله دولو اولان اثر ایکی آیده یازیلشدر . نشری اوقادار تام وقتنده اولمشدرکه ، اثر ، محررک آرزوسی وجه ایله ، کندیسنك داخلده کی وخارجده کی دوشمانلرینه قارشى سیاسی بر آلت یرینه کچمشدر .

حربك باشلانغی قولای اولشدی . هزار ، تفرقه ایچنده ، آنسزین باصیلمش قوملرله محاربه ایدمک جکدی . هزار ، غول بلده لرینی جرمن استیلاسنه قارشى حمایه ایدمک جکنه اینانلیرمق مهارتی کوستردی . کندیسنه بر خلاصکار سوسی ورییوردی . فقط نه زمان که رؤسایشی آکلاپلر ، نه زمان که وهرسه نکه طوریکه ندراسیله قوملر او باندیلر ، نه زمانکه اتحاد عقد ایدیلدی ، نه لکه بویودی ، و (روما) یه قادار عکس ایدتی . اوزمانه قادار دقت اتمه یی و کاملاً سیاسی احتراصلره قایللارق ایشی کیدیشنه بر اقان (روما) ده بوسفر او باندی . مجنونانه تشبیه قارشى بر اعتراض نداسی قوبدی ؛ وقعه نویسلرله مخاصملر فریاد ایتدیلر . حریص آدامک ظفرله کرداب آراسنده کی تپه اوزرنده اولدینی حسن ایدیلایوردی . اونی ظفره اتمه دنه ، کردابه چککی ممنونیتله یاباجقلردی . متانت کوسترمک واعتماد اتمک لازم کلدیکی بر زمانده ظاهرأ بدینلک وجسارتسزلک کوستریلایوردی : بوداغا اولان شیدر . هزار قیلیجی براقدی ، قلمی آینه ، آلدی .

بونک ایچین کتساب ، اکلنجه لی ، کوزله ، جانلی ، مقنع ، هرکله نام یرنده ، حیاتله برجوش ،

سکوتر بیل بلیغ ، صنعت نه قادر آز کورونورسه
اوقادار ماهرانه ، نه قادر درین ، نافذ و حسابی ایه ،
اوقادار آجیق ، ساده و معصومانه در . فقط شاید چه زار ،
نمایند که قدر تلیسی ، حقیقی بوتون جیلاقلغیه تشریح
ایمک اولدوغنی دهاسنک کسکینلکی سایه سنده حس
ایتمش اولهیدی ، اگر کندینی اوقادار اشغال
ایدن ، وبالذات اندیشه سته بادی اولان شائیتلرک
اوزرینه ، تعبیر جائز ایه ، پارماغنی باصا سایدی ،
بوتاریخ ، سیاسی بر مدافعه نامه یعنی تاریخک جوق
دوندنه برشی اولوردی . (روما) به معلومات ویرمک ،
اونی اقتناع ایله مکدی . بناء علیه او ، روماطلدانینی
غوله کتیردی ، اوکا یکی فتوحانی کوزدن کچیرندی ،
وآ کلاتدی ، ایسته بوقادار .

بواتر ، معاصرلری هیجانه کتیردی . چیچه رو ،
چه زاری سومه زدی ؛ هر حالده ادبی شهرتده غایت
قیصقاج اولدوغنی حالده ، ینه Commentaires حقنده
« وضوحک ، ساده لکک و ایجه لکک شاه اثری » دییه
یازدی . داهاده : « هر شیئی شفاف بر صورتده
کوسترن بوصاف ایجازدن داهای تریه برشی اولاماز »
دیدی . اخلافک حسنه کلنجه ، یالکز شونی دوشونک
کافیدر : چه زار اولاماسهیدی ، آق دکر خارجی اولان اروپا ،
کندینی مدینه اریشدرن احوالی بیلیمه جکدی .
چه زار ، شیمدیک آوروپانک باباسی اولدوغنی کی ، ازمنه
جدیده تاریخکده باباسیدر . او ، بر جنرال کی
کوردی ، بر مراقلی کی کشف ، و بر فیلسوف کی
تدقیق ایتدی . چه زارک کتابدن درس آلامایاجق
بر قوماندان ، بر دولت آدمی ، بر ضابط اولاماز .
باربار خصملری آیرمق ، اونلری اداره ایمک ، اقتناع
ایله مک ، سلاحدن زیاده سوزله ، حربدن زیاده
صلحه انقیاده و اعتماد سوق ایمک صنعتی ، جانی
فتحک داهای دوعروسی کندیلکندن حصوله کلدیکنی
کوسترن بو سریع یازیرله عادتایان یانه قوشار .
ایجه برسیاست ، وقور بر تبسمه ، اوقادار کوزله
یازان بوجزالی عادتایان صیانت ایدر .

بلده ایله مستملکه سیاستک بو استاندنه ، حادثه دن
درس چیقارمق صنعتی امثال سذر ؛ فقط Commentaires ده
ازمنه جدیدی ده آز متأثر ایتمه جک خارقه آسار
وقوعات درسی موجوددر . چونکه عقلالقی کوستریله دن
مکمل بر صلاحیت و بر نفوذ نظرله ، ازمنه جدیدنه مک
منشأ لرینه دوقونولش واورتابه چیقارلمشدر .
کوروله جک هر نه وارسه ، چه زار اونی کورویور ؛
سویله جک هر نه وارسه ، اونی سویلیور . هیچ
برایالت ، هیچ برنهر ، هیچ براوا ، اولدجه مهم
هیچ بر نفوسلومرکز بوقک ، چه زار ذکر ایتمه سین :
اوعادتا بر اسم تعداد جیسی . وقوعاتک شکنده
استقبالک نیتی کشف ایدیور . اونک سایه سنده ،
مؤسسه لر ، عرفلر ، انسانلر ، کندینک یاراتدینی
یکی حیاندنه یاشایان و یاشایاجق اولان هرشی ،
طاشیدینی قدیم ، مدیت اوزرینه بوکنچ حوالیدن تکرار
قیصقراجق اولان هرشی اوکره نیلیور . تاسیت ،
چه زاری توصیف ایدرکن summus auctorum
یعنی « محرر لرک باشی » دیهرک ، چیچه رونک و بر دیک

حکمی تماملایور . سبی ده ، چه زار محرر اولاسندن
داها اول ، بوبوک آدمی .
چه زار ، یالکز ایش آدمی مؤرخ دکلدر ،
عین زمانده مؤرخ ایش آدمیدر . او ، ایش کورمک ایچین
یازار : اثری برشی قوه دن فعله کتیرر ، و ایضاحی ده
آنجا ق اثر ایچین فائده لی اولاجنی بر حده یابار :
نه فضله ، نه ده اکسیک . توکیدیدیک دهاسی قادر
داستانی اولایان دهاسی ، اوندن داهای حقیقیدر :
غایت آجیق اولان تصویرلرنده ، کندینی طوتان ،
کتوم ، اسرار انکیز برشی واردر . عادتایان کندینی
ایچینده مخصوص برشی صاقلایور ده نیله بیلیر .
آوروپاعلمی Commentaires ی شرح ایچین کندینی
توکیدیدیک ؛ ممکن اوله ، اونک صاقلایورده سویله مه .
دیک سری ، مقدراتک سرنی ، هر نه قادر برشی ده
اوله ، ینه اودهدان چیقاراجق . چونکه محرر
اولقندن زیاده دولت آدمی اولان چه زار ، جوق
کوزله سویله یی بیلیمکه برابر ، صوصایان ده بیلیمشدر .

چه زارک و چیچه رونک معاصر ی اولان ساللوسنت ،
مؤرخلکی صنعت اتخاذا ایدنلرک ایلکیدر . عمومی
حیانه اوده قاریشامش دکلدر ؛ فقط کرک فرقه لک
رقابتلری ، کرک کندی خطالری یوزندن حیات
عمومیه دن اوزاقلشمشدر ؛ چونکه آفریقاده ایفا
ایله دیک مأموریتلری بفرحق زنگین اولق ایچین
سؤاستعمال ایله دیکندن دولایی مدافع لر اونی کونو
تبرئه ایلشدر . Catilina نك باش طرفنده بالذات
سویله دیک وجه ایله ، ساللوسنت ، اختیاری ویا
غیر اختیاری انزوا کاهنده ، روما قومنک وقعه لرینی
و حاللری ، حافظه ده قالمایه لایق اولانلرینه عطف
اهمیت ایدرک ، متفرق بارچار حالنده یازمایه قرار
ویرمش . بوراده ، مؤلفک طرفکیرلکی حس ایدیلور :
او ، عامللری و چر جوهری آراشدیر ییور . کذا ، شونی ده
تصدیق ایتمه لیدرک ، بونلری شایان تقدیر بر صورتده
یازمش و ایفا ایلمشدر .

اثری ، چه زارک اثرینه آجیقندن آجیقه معارضدر .
همده بو ، موضوعلرک مقایسه سز اولمادینی نسبتده
کوزه چاربار : قاتیلینا فساد ، (روما) ده داخلی بر
مجادله صحنه سیدر ، چه زارک Guerre Civile ی کی ،
Jugurtha تاریخی بر مستملکه سیاسی منقبه سیدر ،
Guerre des Gaules کی . فقط چه زارک اثری ،
هر درلوی لزوم ترینتادن مرا اولارق ، عسکری
ساده لکله نه درجه تمیز ایدرسه ، ساللوسنتک اثری ده
ادبی و تهسته تیک تأثیری اودر چه کوزه تبر . ساللوسنت ،
بر مؤلفدر . مشهور قاتیلینا ک آتیده کی پورتره سی ، طبق
اونک یازدینی طرز ایله ، ساللوسنتده کی مهارتک
قوتی ده ، حدودینی ده اثبات ایدر : « قاتیلینا ، نجیب ،
جسماً و روحاً متین ، فقط مضر و بوزوق بردهایله
دوغمشدی . داهای کنجک ، داخلی اختلافله آتیلدی .
قتلر ، غارتلر ، قاوغالر ، اونک ایلک ممارسه لر
اولدی ؛ آجلقه ، صوسزلقه ، اوبقوسزلقه اینانلیمه جق
بر ثباته متحملدی ؛ مغرور ، حیلکار ، فعال ، سینسی ،
کتوم ، باشقارلرینک ایلکنه حریص ، کندینسککنه
مصرفدی . تکمیل احتراصلرینه شدتله حصر نفیس

ایدردی . کندینسده نه خطابت ، نه ده بصیرت بوق
دکلدی ؛ فقط موازنه سز فکری ، مفرطانه ، غیر معتدل
کندینه کوره جوق بوبوک شیلردن غیرینه تمایل
ایتمزدی . سیلانک مثالی اونده آب آشکار جمهوریت
حاکم اولق اوزوسنی او یاندیردی ؛ کندینه هر درلو
وسائط مباح کوروندی ، آلوررکه اونی قراللقه
ایصال ایتسین ؛ متزاید و وحشیانه بر احتیاص ،
احتیاج ، دنا تنک شعوری اونی ایسته بونقطه به سوق ایتدی .
بوندن باشقا ، اخلاق عمومیه نك فساد ، جمهوریتک
چکدیک مختلف فنالقلر ، الک زیاده ده احتشام وخت ،
اونی تحریک ایدیوردی . اونی ، دوری ایلری به
سوربیوردی ؛ چونکه کرک اوردوده ، کرک بلده ده
اسکی عنعنات نامنه نه قالمشه هپی ، رومانک اونفیس
میراثی ، بیپرانش ویاواش یاواش توکنمشدی ؛
اوکوزله ماضیدن آرتق خجالت و انحطاطدن باشقا
برشی قالماشدی .

ایسته ، هیچ شبه بوق ، بوبوک بر محرر .
داها بوندن افاده لی بر پورتره تیت ، بوندن نافذ
بر روحیاتی ، بوندن مبذول و عزیمتی بر تاز اولایلیری ؟
ساللوسنت اولاماسهیدی ، بوتون (روما) بی آکلا .
یاماردق . حتی بوقصدی و زورا کی اسلوب ، بیطرفاق
پرده سی آلتنده کی بو حریصانه آجیلق ، بوقیه و مستهزیانه
کله لر بیله ، (روما) دهاسنک اک کیزلی و جوق
فمال اولان ضمیرینه انفاذ نظر ایتمه من ایچین لازمدی .
ساللوسنت اوقوتنجه ، داخلی حربلرک ، اوکفارت
قبول ایتمز انتقاملرک ظلملری آکلا شیلیر ؛ جهان
استیلاسه ناصل بریفین بوبوک و کوچوک مشکلاتک
چاریدینی کورولور . اسلوبی غایت سهیل و روان اولان
چه زار ، هر شیئی سهیل و روان بر حاله کتیرر .
ساللوسنت ایه ، کندینی صیقار ، و صدیقینی ده حس
ایتدیرر . او ، عسکر دکل ، بر بیان عالمی ، اثریله
محظوظ بر « ایشچی دکل » ، تیتز بر مأموردر .

ساللوسنتک شوابکی کوچوک اثری ، Jugurtha
ایله Catilina ، قاپنه رجانه دائماً موده ل اولاجق
و متفکری دوشوندوره جکدر . بونلر تاریخک ،
« ضمیرینی صاقلایان » تیلیریدر . ساللوسنت ،
توکیدیدیک تقلید ایتدی ، فقط تقلید حس ایدیلور .
صوکر ، باشقا شی وار : ساللوسنتک قطعی مادونیتی
اسلوبندن زیاده روحنده در . تاریخک ، کندینی یازانلر
حقنده ، جزالری ده واردر : اگر ساللوسنت جوق
مرد بر آدم اولهیدی ، بلکه مکمل بر محرر اولمازدی ،
فقط جوق بوبوک بر مؤرخ اولوردی .

احمد رفیع

